



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### In Amos, Abdiam, Et Ionam Prophetas, Commentarij Francisci Lamberti Auenionensis

Lambert, François

Argentorati, 1525

VD16 B 3868

De apostasia, & qui sint à Deo ueri apostatae. Capvt XI.

urn:nbn:de:hbz:466:1-35983

ministerio non nihil lucri, plus quam ante, accessurum, sic  
 predicarunt, ut eos pro ardentissimis quispiam habere  
 posset. At confestim, ut adest crux, nempe persecutio, mi-  
 nia, pauperies, odium, exilia, flagella, mors, terrentur, de-  
 ficiunt à Domino, predicant oppositum, non expaue-  
 tes adserere, apostate maledicti, quod mendacia fuerint,  
 quae antea predicarunt. Aedificarant prius nonnihil,  
 quod euertere non uerentur, restituant idola, excelsa, lu-  
 cos, sacrificia, boatus, & omnem idololatriæ cultum, re-  
 deuntq; ad uomitum canes: & ad lutum, porci: stercora,  
 & perditiones Antichristi denuo adsumentes, et erigentes.

Veh uobis, execrabiles Prophetae Baalim, & filij per-  
 diti, qui pro toria panis, & pugillo ordei, ac uentre uestro  
 impinguando, nutriendisq; sortis ac spurij, quicquid pla-  
 cet carni, & sanguini, prophetatis, Dominum autem **IESU**  
**CHRISTUM**, ac ueritatem eius abnegare non expaue-  
 scitis, & seducitis populos multos mendacijs uestris. Veh  
 uobis pseudoprophetae, qui, ut impleatis manticas uestras,  
 ac uentres uestros farciatis, apostatatis à Domino **IESU**  
**CHRISTO**, & ad id tenditis, ut uniuersi ab illo apostatent.

De apostasia, & qui sint  
 à Deo ueri apo-  
 state.

**C A P V T XI.**

**S 2 Apostatare**

**A**postatare, retro adspicere, retro abire, & à proposito deficere, sũt synonyma: Est aut̃ duplex apostasia: Prima, qua à malo cœpto: secũda, qua à re pia deficimus. Prima, est sancta, pia, felix, desyderabilis, & ad salutem necessaria: Secunda est prophana, impia, execrabilis, abominabilis, & nisi differre uelint, ab omnibus summe uitanda. Prima est, dum quis noscens se adgressum rem impiam, oppositam uerbo ueritatis, & libertati diuini spiritus, ut est, non se continenti, uouisse contra fas perpetuum cœlibatum, admisisse ociosam & schismaticam Monasticen, sacrificasse, idola coluisse, indulgentias mendaces Antichristi amasse, inuocasse duos, fouisse scorta, male quicquam docuisse, in opera fiduciam habuisse, & illis iustificationem, quæ debetur soli fidei, tribuisse, ab eius modi omnibus, quæ male cœpit, Dei causa apostatat. Secunda est, dum quis Dei sermonibus adqueuit, aut illos docuit simpliciter, aut uixit secundum idem uerbum, contra dicens omnibus Antichristis, ac pietatis hostibus, & pseudoprophetis, ab eo quod bene cœperat, aut timore crucis, aut uana spe honoris, uel rerum sæculi huius, aut operum fiducia, in suum interitum deficit, & apostatat. Sic uere apostatant à Domino, qui à prædicatione uerbi Dei, ad annuñciandas hominum traditiones conuertuntur. Item, qui reiecto ipso uerbo, post hominũ iussa & doctrinas ambulant: quod uniuersi præ cunctis faciunt, qui Papæ decretis, sacerdotijs, Monachismo, & cæteris regni eius inuentis

tis

tis, se addicunt. Vere enim, quisquis admittit hodiernā monasticen, aut sacerdotia, apostatat à Domino **IESV Christo**. De his loquor, qui sic istis se addixerunt, ut eorum instituta, etiam Dei uerbo obsistente, custodiant. Et uere omnes Monachorum sectæ, multa habent, quæ ex diametro aduersum Dei eloquia pugnant, sicut in nostris, in **Monachitarum regulam commentarijs**, aperte docuimus et probauimus. Idcirco omnes, qui **Monachismo** addicti sunt, ab eo deficere, et apostatare necesse est, ne sint apostatæ à domino **IESV Christo**. Et ego libenter fateor, me idem fecisse, imò et glorior, certissimus, quòd alioqui me manebat interitus sempiternus. Et ideo omnes commune facio, ut meum exemplum sequantur, sicut et tenentur, neque expauescant, quòd ab Antichristi factione et amatoribus eius, uocentur apostatæ, sed magis in hoc gloriètur in Domino. Nam et illis gloria est, propter Christum deficere ab Antichristo, et uocari ob id apostatam, ab his qui à Domino **IESV Christo**, ad Antichristum: et à ueritate, ad mendacium defecerunt, qui soli ipsi, à domino apostatæ sunt.

Omnes quoque, qui ipsius Antichristi decretis hærent, ueri à Deo apostatæ sunt. Impossibile namque est, illi simul et Christo acquiescere. Quisquis ergo saluus fieri cupit, adquiescat ueritati, et sanis consilijs Domini: apostatet ab hominum doctrinis et mandatis, quæ Dei eloquijs opponuntur, et amplectatur sanctissimam legem Dei. Sunt sanctissimi apostatæ à regno perditionis, ne sint abominabi-

S 3 biles et

**FRANC. LAMB. IN IONAM**

biles & damnatissimi apostate à regno eterne salutis.

De Ionæ Prophetæ cantico, scilicet, quomodo  
uero Ionæ Christo conueniat.

**C A P V T X I I .**

**E**X præscriptis liquet, quòd id quod Ionas fuit deglu-  
titus à Ceto, typum gessit, mortis ac sepulture Chri-  
sti. Proinde, oratio, uel canticum Ionæ, ipsi Christo  
maxime congruit, quod paucis ostendemus, & id quidem  
per uersus singulos eiusdem cantici.

Igitur uerus Ionas, Dominus Iesus Christus, dum pro-  
ijceretur in mare, hoc est, morti à Iudeis traderetur, ora-  
uit Dominum, ut homo, pro sua liberatione, & resurrecti-  
one ex mortuis, & exauditus fuit pro sua reuerentia. He-  
bræ. 5. Mortuus autem & sepultus Patrem magnificauit,  
dicens: Clamaui de tribulatione mea, id est, cum tribularer.  
Ad Dominum, Christus homo, Dominum Patrem uocat,  
eo quod ob carnis infirmitatem maior illo sit. Ioan. 14. Verum  
et ipse Christus, ut dei filius, unus cum Patre & S. spiritu  
Dominus est: siquidem unum sunt. Ioan. 10. Et exaudiuit  
me. Nihil enim tanto filio, tantus Pater & Dominus nega-  
re potest. Proinde Ioan. 11. Christus ipse patrem deprecas,  
ait: Pater, gratias ago tibi, quoniam audisti me. Ego autem  
sciebam, quòd semper me audis. Et ca. 12. cum orauit, di-  
cens: Pater, serua me ex hac hora: Pater illustra nomen tu-  
um, Pater respondit: Et illustraui, & rursus illustrabo.  
O quam